

SOERA ZINOENŌ,

NI'ALI BA

LI NIHA.

Made in Netherlands

HET BOEK DER PSALMEN

IN HET NIASSISCH VERTAALD
DOOR H. SUNDERMANN

THE BRITISH AND FOREIGN BIBLE SOCIETY
HET NEDERLANDSCH BIJBELGENOOTSCHAP
LONDON —— 1938 —— AMSTERDAM

SOERA ZINOENŌ.

SINOENŌ 1.

I. Fa'ohahaoe dōdō zolo'ō taroma li Lowalangi. II. Ba wa lō boto aechoe la la zeboea horō.

I. 1. Ja'ahowoe niha si lō molo'ō nichoi dōdō zeboea horō andrō, ba si lō manōrō lala zolalō andrō, ba si lō doe-madao ba zi dadao zango'aja.

2. Same'e fa'omoeso dōdōnia oroisa Jehowa ba sangaloei eloeaha goroisania, bongi ma-ōchō.

3. Hoelō geoe sowoea, ni-tanō ba mbewe nidanō, zi manō, sowoea boeania na inōtō. Boeloenia, ba tebai aleoe, ba hadia ia nifazōchinia. ba mo-fozoe.

II. 4. Ba tengā si manō zeboea horō andrō; tobali sa hoelō gadaja ira, ni'oloi'ō nangi.

5. Andrō tebai manaha ze-

boea horō andrō, na tefatōrō hoekoe, ba lō aro zolalō andrō, ba mbanoea zatoelō.

6. Noa sa i'ilā Jehowa lala zatoelō, ba lala zeboea horō andrō, ba si lō fozoe.

SINOENŌ 2.

I. Folawā niha baero Lowalangi, awō nibajoininia andrō, saechoe ba waja. II. Tōdō Lowalangi chō nibajoininia andrō. III. Famaroee tōdō, ba we'amōi barō mbawania.

I. 1. Hana wa mofōnoe niha baero, ba hana wa la'aloē-aloei soi zi lō boto?

2. Molaŵa zalaŵa ba goeli dānō, ba samatōrō andrō, ba mamagōlō, ba chō Jehowa ba ba chō nibajoininia andrō.

3. „Data'etoe'ō mbōbō andrō chōra, ba tatimba wesoe andrō chōra.”

4. Ba ma'iki zidadao ba zoroego, i'o'aja ira So'aja.